

Amerèka

Tèn Amerèka: pèningā, drūktas muotrēškas,

Dèdèlè bodinkā, puonēška rokunda.

Sakā, tèn gerā, Martīnā?

Tèn gražē – nebier porvīnu?

No galbūt, nežēnau:

Nematiau, nebovau, Martīnā...

Išvažiouji? Važiouk, palīdiesem.

Bačkelè alaus atsērētīnsem

È pasiediesem.

Vo vèdo, Jūzap, iškinkīšiau arklius.

I lonkas gimtēnēs Naktiguone išjuosiau.

Vedomš Amerèka – pri lauža degontè,

Po oužoulo – seno, dar žalio, bangoujēntio.

Uzbuonielis alaus

Èš šaltēnē gēlaus,

Jūzapa armuonika,

È šalēp – Vuonelè so Muonēko.

Apēnt ateisem pasiedietē pri oužoula –

Pri tuo, kor kadās, seniausē, tavi išlīdiejuom.

Viel nukeiksem, ašaruosem, pasējouksem,

Už tavi, Martīnā, prigierē pasēmelsem.

Ten Amerèka –

Dèdèlie è baguota.

Gal diel tuo negrīžā,

Tievū kapelius užmēršēs?

No bet, velnē nematē!

Vedo, Jūzap, iškinkīsiau arklius.

I lonkas gimtēnēs naktiguonē išjuosiau.

Juk vedom Amerēka –

Pri lauža degontē,

Po oužoulo seno, bangoujēntio.

Uzbuonielis alaus

Ēš šaltēnē gēlaus,

Jūzapa armuonika,

Ē šalēp – Vuonelē so Muonēko.